



Comunu de Pauli

# COMUNU DE PAULI

TZITADI METROPOLITANA DE CASTEDDU

## APOSENTU PO IS ADUNÀNTZIAS CUNSILIARIS – PRATZA M. VÈRGINI

S'edifitziu est sètiu realizau in prus bortas, e si pentzat siat stètiu incumentzau pustis su 1848, candu est stètia emanada sa lei noa po s'ordinamentu de is Comunas innui beniàt prescitu de tenni una sedi pròpia.

Ainnantis de costruiri sa Domu comunali, is adunàntzias istituzionalis (Giunta e Cunsillu) si faiant in sa domu de su Sìndigu.

A printzìpiu depiat èssiri prus pitica poita ca faci a su 1864 s'est discùtiu de dd'amanniai in d-una lìtera intregada de su Sìndigu de Pauli Pirri Efisiu Manca Perra a su Prefetu de sa Provìntzia de Casteddu, su 30 de Maju 1864.



Po costruiri sa “Domu Comunali” nci fiat s'intenzioni de ndi sciusciami e bogai is sciorroccus de sa Cresiedda de Sant'Antoni dorruida de parìcius annus. Pustis una currispundèntzia infra su Prefetu e su

Sìndigu Efisiu Manca Perra, su permissu po sa costruzioni noa benit donau, cun su nulla osta de su Vicàriu Generali de s'Arcivèscovu de Casteddu cun sa cundizioni chi in sa Crèsia de sa Beata Vîrgini de Pauli bengat arreservada una capella po ddoi pònniri sa stàtua de Sant'Antoni, cussa de Santu Filippu e àteras chi ddoi fuiant in sa cresiedda etotu, chi oi puru funt sa sa sacrestia de sa crèsia de SS.M.Vîrgini1.

Su Palàtziu Comunali est stètiu restrutturau in su 2000 e oi ddoi funt is uftzius de is òrganus istituzionalis ma de su 1928 est stètia sa sedi de sa Circoscrizione de Casteddu-Pauli. Faci a sa metadi de su 1920 est stètia scola elementari fintzas a su 1957 e agoa scola mèdia, fintzas a sa metadi de is annus '60.

Chistionendi de s'architettura s'edifitziu de sa cresiedda fiat in d-una navada ùnica, de mannesa giai ugualli a sa crèsia de Sant'Ambrògiu e parit ddoi fessat una scala de fronti a su “Riu Salis” nomenau “S'arriu” chi fintzas a su XXVIII sèculu passat in mesu sa bidda.



Comunu de Pauli

# COMUNU DE PAULI

TZITADI METROPOLITANA DE CASTEDDU

Is arruinadas de sa crèsia, dorruida o sciusciada, parit funt stètias imperadas cumenti arreprenu po su fossau chi ingiriada sa crèsia de Santa Maria de Pauli.

In d-una parti benit edificada sa scola, sa primu finantziada cun dinai pùblicu, pustis s'unidadi de s'Itàlia, in su 1887-1888. In su tìmpanu ddoi est ancora sa scritta "SCVOLA"2.

S'autonomia de Casteddu nc'est stètia su 18/11/1991. In sa parti dereta est sistemau su gonfalonu cun su stema de su Comunu, chi s'agatat in su paperi intestau ma fintzas in s'imperdau de pratza Maria Vîrgini, sìmbulu de sa biddu.



Su stema benit pigau de su Comunu cun deliberatzioni de su Cunsillu Comunali n.29 de su 15/10/1999.



Sa Domu Comunali s'afàciat in pratza Maria Vîrgini innui ddoi est su colori grogu de sa faciada e una panchina arrùbia posta su 25 de Donniasanti 2016, cunforma a sa deliberatzioni de sa Giunta Comunali n.63 de su 11.11.2016.

S'Assessora a is oportunitadis uguallis po totus de tandu, Emanuela Stara narat: "Sa panchira arrùbia est po arregorddai una fèmina vîtima de su feminicìdiu, sinnu cuncretu, postu in d-unu logu innui totus ddu potzant biri, po inditai ca calancunu amancat po mori de una violèntzia. S'initziativa bolit èssiri un invitu a rifleti apitzus de sa violèntzia fata a is fèminas e a ndi fueddai sèmperu. Totus is annus a Paulu si fait una discussioni aberta po "sa chistioni de su feminicìdiu e po sa diversidadi de gèniri e po cumenti ddus cuntrastai".